



69410

續橋李詩繫卷三十二

男金題瘦山校

陸烜

陸烜

平湖胡昌基雲仵輯

字子章號梅谷平湖人庠生著有耕雲小草

徐雪廬曰先生弱冠受知於諸城寶少宰後棄諸生隱居胥山邱為里作巢雲子傳見志與秀水張徵君庚嘉善曹徵君廷棟養高勵學郡人目為三隱沈文恪公主數文講席撫軍屬其采錄遺書乃引先生為助教勸極精詩得柴桑輒川遺韻文出入昌黎南豐間詩餘兼綜南北宋幼工音律手製側簡二器按樂者多受其傳晚歲喜作畫超潔一如其詩

江干

隴上行人斷江干落日遲寒梅斜照水衰柳臥生枝白鳥偶然至青山無盡時相看一漁火倚櫂欲何之

續橋李詩繫卷三十二

春江獨釣

家住萋蒿村蕭然四壁存白鷗似相識日日到柴門楊柳晚煙淨桃花春水溫一竿不設餌茲意與誰論

梅谷早春

谷口偶行樂春禽無數聲石田初足雨凍土已新耕決泉爭落離離草亂生卻憐遠山色一碧到柴荆

計士增

字耕畦號漁谿嘉興人庠生著有花逸居詩稿

宋金庭曰原本性靈出入唐宋間不斤斤於求工而天趣橫生具一種瀟灑出塵之槩石灑山房詩話漁谿幼孤力學名著鐵舟詩社與巖石帆張雪飲酒雪谷諸人稱莫逆交性放達不閉小節自謂非酒不工也故時人以計癡目詩益妙嘗自謂非酒不工也故時人以計癡目

之年五十三卒秀水汪聖清輓以詩云生無口
實胎朋友死有詩傳當子孫蓋實錄也
金勝曰湖濱其友入卜補莊汪雪谷及外液
川書田輩每歲寒食輒攜紙錢上云荒廬夢
奠越三載忽託夢於其弟學樵上人云荒廬夢
飯感朋儕卻爲清明也暫來我酒必須知己醉
人生能得幾時哉學樵醒述其詩同人均各和
詩紀事

游華山翠巖寺

隔宿見華山已蠟屐一兩曉行霜未乾濟勝賴筇杖遂
披青靄入亂踏白雲上探幽訪翠巖石屋頗明敞僧雛
亦好事層巒導我往山雨忽飛來松竹發清響

觀趙文敏公書巴陵女子韓希孟殉節詩拓本

巴陵女子抱奇節臨難不苟心似鐵和血題成絕命詞

續稿李詩卷三十二

五百年來光不滅憶昔北兵飛渡江安撫總制先迎降
狂瀾砥柱賴中樞懷詩抱石沈驚瀧遷延三日尸始出
正是開慶秋九月亂離誰復爲招魂只博當時一太息
宋子虛郝伯常作詩各爲女表揚盡附全詩序姓氏持
較正史猶精詳好事更逢劉光履乞得王孫書一紙兩
美甯肯換白鵝珍重定應圭璧比臨摹萬本讀萬偏手
指雖疲香滿齒人詩果否字珍重此意還須問承旨

汪忠烈王廟

隋季煙塵六十四紛紛竊據窺神器獨王知命不稱尊
整旅惟立安民志中原南北困干戈六州未識烽火氣
天心未屬真龍興納土先行越境使遙頌七命拜國公

信圭玉節承恩賜九京畱守勳更崇星隕特錫忠烈諡

武德初王遣從弟鐵佛越杜伏威境以六州版籍奉表於唐敕授六州節度使封越國公稱王七年朝於京師

宗征遼以王為九京畱守及歸嘉其忠勸賜信圭玉冊尚藏於家廟堯諡忠烈救歸葬新安皆見汪氏家譜

後人懷惠猶難忘如周思召歌蔽芾屠牲漉酒祀春秋立廟但視馬足至武林亦沐保障恩大觀臺麓祠宏肆

範金鑄像如冕旒英姿不與當時異位號褒題二代封

宋封靈惠公明加廣濟惠王皆摩勒其字或樹之碑或刊之壁石碑摩勒名儒字額在新安舊廟他祠

忠孝能遺子若孫箕裘奕世昌而熾下愚笑殺王李輩

虎鬪龍爭竟何事一朝面縛身醢烹妻孥遠墮漳江淚

功成明哲孰如王赫濯聲靈永不墜

陸宣公祠

續橋李詩繫卷三十二

入告言言犯逆鱗可憐遇合在風塵干戈克敵雖諸將
帷幄論功但一人共喜股肱方大任誰知排擯有姦臣
忠州竄去當年恨贏得千秋俎豆新

蔣山

字仁谷號孤嶧嘉善人庠生著有姑射詩稿七

卷

石瀨山房詩話孤嶧自幼穎慧弱冠游庠棘園
屢曠閉戶著書泊如也性孤介不屑與勢位交
所與游惟一二文人墨士相為倡酬每一篇出
人競傳寫詩筆冲夷恬適神明章柳工六法好
為山水小幅神氣淡遠饒有逸致與至輒題詩
其上生平酷好琴古調獨彈嘗以不遇子期為
恨著琴味易知一書學琴者咸奉為指南云

送陳寄園先生之官粵東

吾聞昌黎韓公遠分潮州符投文惡谿逃鱷魚又聞眉
山蘇公卜築惠州時從頭和盡淵明詩二公文章動天
地都爲海上神仙吏莫歎崎嶇萬里行須識天公玉成
意寄園先生古人齊昔曾保障嶺南黎今朝又佩銅章
去一路春風送馬蹏到時定當三月暮滿院昔培桃李
樹政簡才長早放衙彈琴鎖印閒搜句晶森漲海畔温
噉羅浮隈清景時遇卻易失先生筆力能追回詩成儻
憶蓬門子江湖自有一雙鯉好寄金章玉句一千篇移
將三山五嶺置我心胸閒

葺小廬

續構李詩繫

卷三十二

四

最喜無多屋敢云吾德甯牆新添月白籬短放松青移
石安茶竈扶花上竹屏明年有餘羨墩頂結茅亭

莫道

莫道身閒甚閒身反得忙汲泉晴種樹然燭夜春糧宿
欠吟詩債新傳釀酒方幸無才應世三徑未曾荒

朱馨

字泰然號玳船海鹽人庠生著有玳船詩稿

石瀨山房詩話玳船端懋寡言笑讀書明大義
性純孝年六旬侍尊甫巽亭先生色養倍篤有
孺慕風善扶經旨人以匡鼎戴憑相比云詩歸
誠樸不事雕飾嘗曰滿腔生意無非詩之真境
泥於言詮已落第二義矣識者是之

和石帆中秋聽香軒小集

向夕來蕭寺臨風肅戒壇海潮侵夜靜天漢近人寒月
落清樽滿花深白露團更聞吹玉笛縹緲過林端

征客詞

日暮起征愁孤帆落月秋傷心今夜客何處繫扁舟

陳治

字持國號桐嶼石門人國子生著有南征燕游

越吟飲醇胸浦等集

曰桐嶼本海甯人寄籍語水與弟雪樵
太守耐庵孝廉專究制舉業後兩弟俱發榜而
君以納粟入成均屢試棘闈不售遂絕意進取
怡情詩酒生平善寫山水筆墨超潔得宋元人
遺意

題文長先生畫竹

續橋李詩繫卷三十二

五

古今畫竹誰解人東坡與可推絕倫露條筍寫胸次
俗手那許輕效顰誰其繼者青藤士興酣落墨圖煙筠
枝橫而斜雜行草葉疏以瘦通隸眞生綃瑟瑟起風雨
高堂五月無歎塵尺幅中含萬丈勢儵然置吾瀟湘濱
龍蛇落紙欲飛舞驚人健句來如神迄今相隔一百有
餘載古墨剝落蟲魚皴我今得之悲且喜吉光片羽猶
堪珍譬如豐城之劍太行馬不逢張華伯樂何由伸人
生遇合亦如此猝然相得皆無因摩挲此畫三歎息我
亦塵沙劫裏人

游龍湫柬德峰師

籃輿直昇亂峰巔萬壑流泉吼曉煙二月晴雷轟澗底

千層雪浪落樽前空齋坐久雲衣冷曲磴行遲草屐穿
指說大羅天上近一龕風雨儘安禪

悼亡

碧天涼澈漏迢迢綽約閒情寄玉簫一縷返魂香未覓

月明空度可憐宵亡荆善箏笛今同廣陵散矣

新詩遙寄越江流錦字回環動客愁最是傷心吟不得

年年花發送行舟有寄余詩夢回南浦春愁滿人到東風別恨多又生怕東風飛燕年年

花發送行舟之句

劉暄

字漢旻號石窗平湖人廩生著有燃藜閣詩草

石巖山房詩話石窗幼警敏詩文援筆立就性淑儻自喜自正業外若彈琴學阮度曲填詞投壺博奕禽經蟲譜靡不精曉茶前酒後諧謔風生往往傾其座客嘗借武原朱玉堂選刻律賦

續橋李詩繫卷三十二

揀金錄戊申科校古學試東方三大賦朱文正公得卷大奇之置合屬第二檄入敷文書院肄業竟無所遇而卒子與山窗總角交丙戌聯試並以泛舟東湖詩為山陰汪龍莊桐鄉沈青齋兩先生所賞然子好靜而石窗好徵逐故合并之日少今墓木拱矣錄其詩為之慨然

鷓鴣行

春江渺渺多魚蝦漁師曉集紛編艇船頭船尾載烏鬼
兩行鷓立如排衙初疑紛紛集鳧鶩聯翩忽似銜尾鴉
其始逡巡不肯下鳴榔擊檝聲喧嘩須臾翻身入水底
掀波攫浪爭騰拏大魚小魚不得避結陣何啻常山蛇
不須學得任公釣一時鱸鱖皆盈車漁師漁師一何狡
得魚換錢相爭誇鷓鴣安得果口腹徒供驅使如爪牙

烏頭一網打幾盡清異錄江湖漁郎用鷓鴣者名烏頭網有魚不敢潛深
窺嗚呼眼前何處非網羅酒酣擲筆增咨嗟

郁心哉

字秋堂嘉興人布衣著有馬磨集

徐雪廬曰秋堂僑寓乍浦以沽菽乳爲生業初夜之衣懷鼻之禪與市人雜處日仄輒行吟海上琳宮僧舍題詠殆徧自稱龔癯儒新滕王

和王墨莊先生移居詩

占斷清陰半畝賒水村茅屋足煙霞先生不種門前柳
漁父空尋渡口花春暖聞鶯初轉藥月中放鶴自煎茶
世人那得知名姓此是方壺隱士家

重陽

續橋李詩繫卷三十二

七

旅鴈苦於江上客黃花瘦似病中身生憎門外催租吏
不是籬邊送酒人

吳以敬

字惺仲號鷺塘海鹽人庠生著有匏齋集

晚步溪上

貪看欄樹綠迤邐行溪濱不知夜來雨但覺溪流渾新
陽悅林鳥深波樂游鱗卽景欣自得與物陶然真

初夏漫興

桐花著雨媚新晴初試蕉衫異樣輕待客不來還閉戶
綠陰滿地一蟬鳴

雨餘新綠漲前溪門掩溪灣日未西桑柘陰陰人寂寂

鶉鳩唳過畫眉唳

錢世培

鄭自目字子厚號葉南秀水人副貢生官桐廬教諭著
國益有葉南剩吟桐江近稿

人半聽客譚登州海市並述蘇長公舊事卽次東坡韻

紀之

茫茫雲海浮虛空神山何有空濛中時和候暖海波溢
憑虛勇出仙人宮邑居壯麗樓閣聳架構刻飾真神工
翩翩旗纛盛羽衛百千幻影如游龍往來人物燦可數
黃童稚女駘背翁豐盈真似一都會江淮吳會翰繁雄
神噓鬼吸妙無迹須臾變滅誰能窮莫疑幻妄訝奇怪

續橋李詩繫

卷三十二

八

偶然氣至斯爲融坡公昔作蓬萊守禱祈而請情所鍾
嚴冬啟蟄佐清賞正直自獲神報豐馳碁嶼上肖公像
一編海市鐫青銅奇觀勝地不易到安得羽翼凌長風

俞鴻秀

字毅齋桐鄉人庠生著有課餘偶錄

雜詩

人生在世閒榮辱本無定所志惟不苟立身乃能正謙
固益之本損爲滿之應橫逆忽然來自反豈無病君子
慎自思尤宜端厥行

獨坐羣動息風行驚戶牖我心隨之起思慮一時有始
知安心難何況名利藪營營念愈多徒足爲心咎何如

安淡泊不使寸心疚悠哉樂琴書且飲此尊酒

月下

纖雲淡無迹明月上東嶺徘徊倚前楹不覺衣裳冷竹
色靜涼露秋梧落寒影蕭然此清寂幽意與誰領

楚陳王

貧賤甯甘老此身首先倡義竟亡秦如何七國陳兵日
不及漁陽一成人

李寅熙

字賓日號秋門嘉興人貢生著有蠹餘勞歌呻

吟等集

曹種梅曰秋門詩筆朗潤清華俗塵不染以旅
食都門自傷不遇窮愁之作令人誦之輒喚奈

續補李詩繫

卷二十二

九

何靈芬館詩話秋門與汪雲壑殿撰王秋陸大令
爲詩友兩君亦雅重其人秋試京兆屢困有司
從窳以卒其弟介庵爲梓其遺詩余題詞有名
從身後得詩可篋中傳之句

薑心菜

杜陵菜把詩泛愛蒙地主我亦旅食久幸免蒯緱拊春
田故鄉夢野景紛可觀酥雨融凍畦翠甲迸鬆土連朝
忽掀秀曉起忙老圃花稀糝麴塵苔短折釵股擔賣城
市閒求益聞比戶羹食佐脯脩醃藏滿罌甌頻年客京
輦安肅美可數獨我有偏嗜百蔬此爲愈他日涇上歸
幾稜素堪茹

感舊寄雲壑

雲龍角逐記當年車笠而今轉自憐壯歲渾如春易老
可人真似月難圓讀書得力差安命止酒無功又破禪
萬里論心同咫尺病懷駛駛向君傳

九日閱試錄作人

落解心情冷似灰廿年南北病顏摧而今得失無關我
也看題名錄一回遠

徐泰

字魯瞻號仲巖海鹽人庠生著有清樾存稿

訪搖鼓石有阻

歷歷西南一百峰亂雲深處寄游蹤爲尋勝蹟追遺響
偏阻巫山一兩重

指大巫小巫兩山

續櫺李詩繫卷三十二

沈時俊

字廷獻秀水人庠生

少年行

長安市上美少年雕鞍驄馬青絲鞭平生游俠重意氣
咳唾直欲生雲煙腰閒佩劍冲牛斗手擲黃金輕敵帚
自笑當年好結交鼓刀挾彈皆吾友

郭瑞

字梅嶺海鹽人

馬少白日梅嶺詩近温李丰致動人若再降一格則爲王次回疑雨集作詩者不可不防其漸

柳枝詞

花開花謝作春三和雨和煙總不堪亭午無人眠未起

一簾清影夢江南

春光欲去倩誰畱心事悠悠付水流蕩子不歸花已落
黃鸝呢老綠楊洲

王景模

字振初號二如平湖人歲貢生

石澗山房詩話二如以醉犯巡檢前鬬被執士林不平訴於學使者得直試優等食餽越二十餘年貢成均以他人命案牽累碾革功名之得畏胥由訟事數若前定智不如葵也雙節詩為外家何氏作徧乞同人和章私恩公義兩全之矣

何氏雙節詩

乾隆丁未冬撫拾外家兩世苦節上當事得邀

旌典紀詩八章希宗王屬和焉 錄二

續橋李詩繫 卷三十一

旅館無兒幸有身姻聯指腹比朱陳千鈞一髮從教引

氣誼分明似古人 先太翁奔庵公疾革時邀先大父至榻前託以後事時耿太君方娠指腹

婚為

霜露甯堪餒若敖竹林小阮可招邀傷心繡祿知何在

為結絲蘿蔓引條 外父裔成公早世無嗣耿太君招蘭溪猶子至乍浦為娶婦生子嗣外父

焉後

王尙珏

字若農嘉興人國子生官西林知縣

玉蓮庵曰若農從四庫館議敘發粵西以才名為巡撫謝韞山所知招入廣西志局薦升今官

陽朔山

陽朔富奇山厥狀失常律無草木與土峻嶒撐瘦骨不

作蜿蜒勢歷亂爭地出凌霄建牙轟摩空搖健筆或銳
如劍鋌或妥如繭栗高騰若鸞翔羣奔若獸逸或莊嚴
若神環向作輔弼或傲岸自喜爭長不受屈或如朝玉
京手行拱象笏或如臨太液萬柄芙蓉發聚合偏兩陣
頽散潰萬卒縹緲結屢樓玲瓏構仙闕神光幻離宮靈
氣分蟠鬱凡茲險怪形一一難盡述縱比鴈宕山奇麗
詎能匹山谷詩懷嶺
環城如鴈宕我來乍見之眩惑而自失大地如
文章格局良不一生面此獨開窠臼眞盡脫造物何狡
獪惜哉此西粵

陸用潛

字禹疇號蒙泉海鹽人歲貢生著有賢已齋稿

續稿李詩繫

卷二十二

十一

石潁山房詩話蒙泉少聰穎由上舍試北雍薦
而不售歸里復投牒棄上舍就童試受知資東
泉先生補博士弟子員旋食餼貢成均

春日

新漲板橋東杏花開正紅一鳩林外雨雙燕陌頭風情
倦芳菲節春消老病中清吟聊遣悶夜色漸朦朧

謁萊陽三姜先生祠

山祠寂寂對斜暉門外春風長薜薇倉卒君臣成永訣
羈棲兄弟此相依傷心故里家何在回首中原事已非
太息鼎湖攀莫及旅魂應向敬亭飛

馬大亨

字應中號謹園秀水人貢生著有金粟山莊集

石瀨山房詩話謹園博學工文屢躋場屋晚年
閉門著述從游日眾得其緒餘輒掇巍科去詩
不多作簡淨無滓

古意

矯矯園中鳥忽忽凌風翔豈不念儔侶逝將適高岡毛
羽亦已豐飛鳴戾穹蒼昔時同飲啄胡不相頡頏延頸
三歎息涕泗以徬徨

五人墓次漁洋山人韻

言尋虎阜游步出閶門路行行山塘坳一游人聚羣
焉仰高塚英風起松樹摩挲拂豐碑大書五人墓誓雪
周公冤負義爭先赴之死何從容攬涕不能去

寄林生上開做太白體

君家谷游口吾家滌湖頭君家門前水吾家門前流流
水日日至君來何太疏安得水倒流爲吾傳魚書十載
傍君家晨夕長與處長處猶不足何況隔寒暑久別懼
相見既見戚言別懼戚無已時相思何由絕

答林生

忽忽流光又一春朝來引鏡二毛新身經多病難爲客
事到中年總讓人詩句每從愁裏得交情卻在別時真
尺書寄我加餐飯過從雖疏意轉親

題陸梅谷姬人沈虹屏集

憐渠纖腕筆如椽賦手文心各騁妍虧得夫君名下士
不然翻藉小妻傳

李大恆

字南有號相友秀水人國子生官刑部主事著
有鐵巖小草白雲吟

筓

自戍盧龍塞哀筓徹夜鳴重關殘夢破百感一時生淒
下羌人淚悲傳壯士聲況聞連鴈起易動故鄉情

褚閻世

原名避 廟諱追改字萬咸號乖崖嘉興人庠
生

九日同人登五山文筆峰及昆盧大悲諸閣

佳節晨陰霾正愁風雨惡俄頃溼雲收清氣肅寥廓同

續構李詩繫卷三十二

十四

志二三子共赴登高約整我墊角巾短髮迎風掠拾級
文筆峰不憚筋力弱賈勇第一層眼界覺寬綽塵埃雜
喧逐游興忽蕭索升高宜知危履險亦何樂拖筇下平
地於焉免驚愕同游興未闌旋登林杪閣客到僧不迎
相見如隔膜此輩情四體終歲享齋饒何不人其人驅
使事耕鑿憑闌一凝眸四野敞櫺櫺木葉下平皋草色
淒邱壑俯視一氣中大千納橐籥涉世戒紛紜養性在
寂寞樂哉物外游不爲名利縛清悟證虛空冷然響風

鐸

徐亨臨

字君宜號桂巖海鹽人庠生著有桂巖草天中

草晉陽草

石潁山房詩話桂巖少孤力學名噪文壇自天官地志歷法算數以至經脈藥石卜筮占候之書靡不探其源委故生平著述等身中年徧游四方嘗渡黃河歷晉陽登太行山賦詩見志晚乃客濟甯金縣署以疾卒年僅五十有三士林惜之

雲岫庵看日月合璧

欣攜眠具宿山中直待黎明盼海東一綫正愁雲霧黑
雙丸忽射水天紅僧躋絕頂撐眸望客駭良辰過眼空
指點回頭精舍近茶煙西去載松風

過念園有感

曾愛園居景物妍相逢別後更淒然多情祇有溪邊竹
向我依依似昔年

小光裕

字觀焉號補莊秀水人庠生著有補莊詩鈔

石潁山房詩話補莊世居秀州之范蠡湖其族多業織繅補莊獨自幼好學為文嘗見稱於朱和香先生與大興朱文正公並為和香高足弟子年幾三十始補博士弟子員省試屢斥乃棄帖括專肆力於古文詩則孑寫性靈不事雕飾晚得錢氏廢圃構亭疊石雜蒔花藥與二三知己日嘯詠其中有古桑苎風

水龍歌

禾郡水龍救火甚勇太守伊公大加賞賚歌以記之

吾聞珠足禦火災咸陽豈無大蚌胎又聞龍能興雲雨
霹靂翻乘龍雨來五行有生斯有制人巧奪天天乏才

水龍非螻屈攻金還攻木平時藏其首兼且虛其腹一時火災興人擁如雲行四墉金聲震勇夫勝勅兵前茅旗幟追飛颯水龍掣過驚波濤龍龍倏忽如乘躡烈燄光裏銀蛇跳水兵火兵纔兩交回祿祝融棄甲逃一夫擊龍龍首牢龍首宛轉最難擊擊黑煙頓轉青煙高黑煙爲火發青煙爲火息徐整歸隊何逍遙泥首濡足人歌謠郡守伊公見之駭想見吳民義勇概撫恤黎民災難侵賴此救災加賞賚傳呼水龍詰朝來老龍新龍排成隊龍旗尙黑葉葉飛迎龍送龍一對對樓船演劇鼓樂喧紅帛條條披龍背萬民齊呼官恤災太守新添銀鬢醉請問當年有參龍眞龍那比假龍端水龍水龍能救災太守屬爾年年睡

續構李詩卷三十二

十六

附識水龍以木爲桶長而圓盛水數石豎錫管二枚下有小孔旁各一橫管通竅於龍首龍首如壺鼻一人持之豎管口有鐵蓋如荷葉上設橫木數人力控之則水從龍首出可高激數丈橫木兩端一軒一輕則管中水此竭彼盈灌注不絕則發應時而滅數十各坊鋪釀置以備不虞聞鑼聲即馳至一龍從數十人各執汲水小桶翌日被災家置酒勞之近又有洋龍製小於舊激水更高市塵湫隘處用之最便

過竹林庵

薄暮支筇到竹林緣牆薜荔古門深偶來明月清風夜便有閒雲野鶴心細果滿園垂寶璐秋花布地布黃金安禪儻可參眞諦未覺絲絲兩鬢侵

朱咏

字鎮華號香楂嘉善人庠生著有種菜居詩集

西谿

水天一色青中有數聲鶻維舟古柳陰夕陽墮前浦陟
墟適幽賞蕭然一空宇林煙溼衿袖溪雲涼肺腑載月
促歸程相思渺芳杜

陸魯望祠

老木寒煙沒蘚碑數椽寂寞祀天隨春秋大義平生業
杞菊風流高士詩夜雨松陵迷遁跡秋山甫里妥叢祠
天涯何處尋漁具立馬荒江薦芷離

于忠肅公墓

尙書坐鎮鳳凰城瓦刺烽煙靖不驚北狩倉皇和議就
東門遲帶敕書迎有君始絕居奇望不殺難爲復辟名
山下一抔荒草徧空教異代感忠誠

續李詩繫

卷三十二

十七

朱素娥

楊柳芙蓉入素牋斗兒風貌似神仙笑他厭向瓊樓住
一墮紅塵四十年

東湖采蓮歌

迴塘曲渚日追尋聽取雙葉怨思深郎自采花儂采子
一般采折兩般心
權歌欸乃鶻咿嘔憶泊東湖水盡頭驚起鴛鴦三十六
一齊飛上弄珠樓

前明宮祠

罷選宮嬪感異徵妖書破後意難勝浣花出入皆如夢
錯怨當年趙萬興

彈琴翦繡向窗紗日日妝攏巧樣誇不是官家蒙索問
六宮誰識像生花

高 沆

字蘊沖號秋艇平湖人國子生著有浣花居吟

稿

朱某堂曰秋艇舅祖性孝友仲兄卒於官公時
患咯血症聞訃悲痛即赴靖邊扶柩旋里路經
侯家灣崖峻途隘躬絕墮谷中車馬皆爲齧
粉公獨無恙咸以爲得神助云善丹青尤工花
卉直逼暉南田

硤石道中

睡正酣時促早行暗燈硤道旅魂驚山巖不辨千尋險
穴火遙通一綫明漢代英雄畱廢壘秦時軍帥哭歸程

續稿李詩繫

卷三十二

六

風霜滿目驅羸馬懷古情深涕泗橫

出金鎖關

重臨金鎖感年華風景依稀望眼賒屈曲幽崖通古寺
參差密樹隱人家關心細語深林鳥拂面濃香接路花
兄弟當年聯轡過譚詩落日馬頭斜

凌文謨

字佑安號敦巖秀水人國子生

正月四日大雪

天地方泰交熙和樂歲首三日淒風生凜烈寒猶狂入
夜天同雲風狂挾林吼凌晨霰先集珠落盤中走少馬
柳絮飄迴風入戶牖惜際金饑時哀鴻集先後兩珠不

爲禱兩玉不爲煨非玉復非珠空自集高阜春寒已非
宜春雪僅可偶農人以春雪多則憂旱幸餘五辛盤尙有屠蘇酒
一酌且陶然書秋歌大有

董光國

字觀之海鹽人著有蘿補書屋稿

秋夜感懷

獨夜難成寐淒然坐二更鴈程爭月度蟲語逼人清掩
卷悲前事挑燈歎此生擊壺吾未敢素薄不平鳴

周秋光

字擷華嘉興人庠生著有菜味軒吟稿

歲晚

續構李詩繫

卷三十二

克

歲月嗟已晚勞人更若何文章皆涕淚生事總蹉跎鬢
影青堪惜風威寒愈多幾回長太息憔悴客中過
母髮今垂白機中自苦辛江湖思負米風雪阻歸人俯
仰無他術艱難剩此身不堪當歲晚客路尙逡巡

題鄭竹澗前輩漁雪夜歸圖

詩句如翁洵足珍山房吟稿見精神一蓑漁雪歸何暮
定憶當時結網人時道嫻夫人殉已二十年矣

徐旭旦

字曉峰海鹽人庠生著有曉峰詩稿吳山雜詠

書窗詠懷

盡日無人過草廬松雲蘿月伴閒居空嗟杜老因詩瘦

卻羨陶公與世疏
塊壘未澆三斗酒
生涯只有五車書
棲遲此日藏邱壑
綿竹誰爲薦子虛

魏 鏗

字冬木嘉善人布衣著有當不止此集

靈芬館詩話嘉善魏冬木水村先生後人土食舊名詩傳家學以窮老終家鄉積然自放論者以爲如子畏晚年唱蓮花落光景余友瘦客與之善嘗鈔得其詩名當不止此集約十五歲始自序略云冬木之詩而有集也自約十五歲始竊吟初稿五色錢頭集枉拋集我亦有稿丁集無人知愛集憶夢集昨非集對蘭集而何以僅存此耶故名曰當不止此集何以當不止此託如此爲人孤冷峭介不可一世見人終日無一言而性耽於酒瘦客贈以詩云老去不須人勸飲興來還與鬼譚禪亦可爲冬木寫一小影

習舞

續稿李詩繫 卷三十二

三

習舞花前不論年
身材小巧越輕便
春風秋月蹉跎易
簇簇新裙又覺焉

走馬

走馬紅妝燦若霞
晚來歸去問誰家
卽今苦殺春隄外
杳杳長隄自落花

陳夢樺

原名嘉猷字尹東海鹽人廩生著有青于集

張文漁曰青于詩才宏富賦筆清麗見賞於寶東皋先生惜坎珂不遇以卒

贈蕭梅嶼

鑿紅酒綠夜如何
惆悵尊前一曲歌
試問我家髯檢討
紫雲風貌孰爭多

浪得浮名似牧之十年邗上記情癡
花天酒地知無恨不是紅兒不賦詩

胡重

字菊圃號曲寮居士秀水人錢塘籍庠生

題潘冷香校書詠絮詩後

散罷天花忽現身休論絮果與蘭因
蠻牋十樣書新句不數當年詠雪人

孫同然

字柘樵平湖人

秋寺

山寺由來靜尋秋一徑微清池窺鶴冷
黃葉抱蟬稀古

續李詩繫

卷三十二

三

殿煙昏壁晴簷衲補衣平生愛禪寂
不厭叩雙扉

王如椽

字似珣號古愚海鹽人國子生

七夕閨詞

脈脈含情各自憐今宵應許話連綿
莫嫌一歲一相見勝唱刀環已十年

徐琳

字荆山號西塘嘉興人布衣

施少峰曰西塘性恬澹不慕榮利嗜詠與同里郭鳳陳許煥薛廷文稱五布衣詩筆簡淨無些子塵俗氣犯其筆端

上巳後五日觀瀾畱飲移席橋上續賞菜花同許

牧堂得源上人作

行行陌上過谿橋舊侶無煩隔水招今日偶逢話尊酒

十年猶自憶吹簫庚午賞花西疇璞田同學吹簫侑酒坐來高處香逾遠

想到春殘醉易消不是支公能愛客久將花事付江湖

孔廣南

字笙陔號鑑齋桐鄉人歲貢生

石澗山房詩話明經十四通濂搭三十後講黃老晚習浮屠著三教同源論時賢無以難焉七歲喪母父繼元以需次留京乃寄養舅氏皇甫家生平無漫語爪步無子女三俱嫺吟詠人目為小劉三妹

示大女昭慧

色相空時埽俗塵情思盡處見天真此中自謂饒佳趣

續構李詩繫卷三十二

三

不意深閨得解人

譚有淇

字衛瞻號渭川又號橫山桐鄉人庠生著有橫

山遺稿

方鐵珊曰橫山有聲鬢序家貧孝養母亡哀號骨立臨終吟云地下自應依老母堂前何以慰嚴親至性可想

接巖石帆夫子項城來書即寄懷

株守原無益其如遠道何驚濤馳白下大雪渡黃河異地知音幾家園歸夢多登樓凝望眼徙倚定悲歌

思家

我父家書到憂深即展看遙知心緒惡轉說病軀安慰

遠卻三致娛親無一端書題回札去稟道且尋歡
恨不生雙翼飛身到寢門況堪無老母忍復別諸昆風
葉常辭樹雲萍亦戀根可堪艱去住日日慘離魂

懷菊友滄洲

幕府聲華動日邊新從北地植紅蓮愁中兒女鏡前夢
眼底黔黎案上篇此借用賀事慷慨不須嚴武識才名早企
仲容賢時依令叔署中陟來岵岵還淒絕知為豐碑未揭阡嚴
慈尚未安唐

李德修

字立誠號惕庵秀水人庠生

白蓮

續構李詩繫 卷三十一

池中月曉全無影雨後風清但覺香可是六郎偏愛潔
繁華洗盡不須妝

繆守文

字宜亭海鹽人庠生

寓樓晚眺

纔入秋來暑乍停憑高快我拓虛櫺湖因露洗凝脂白
山帶晴烘徹骨青客去不妨雷蝶夢吟殘好為譜茶經
何當更乞閒風月移上銀光六尺屏

聞鈴

字序東號臨谷石門人庠生

少峰邀集斯齋卽賦

雅集騷壇興轉賒船踐約惜餘花譚詩最愛月初上
對酒那知日已斜拚倒接羅過習氏慣投車轄學陳家
醉餘展卷觀圖畫古墨淋漓眾所誇

楊文源

字維清號月亭海鹽人庠生

宋

石瀨山房詩話月亭幼工詩從陳錦江孝廉游
孝廉贈詩有文章自昔留青眼兄弟於今號白
眉之句弱冠郡試冠軍遂以第二入庠性孝友
尤多經濟才凡里中事有關利病者必悉心謀
之不避嫌怨喜周人之急親友故多德之

畫鷹

將飛翼先伏將噬爪先縮此鳥立虬枝超然異凡俗不
噬亦不飛炯炯注雙目一旦風雲乘高舉空山谷

續稿李詩繫

卷二十二

三

乙巳仲夏大病幾危時昆季遠出蒙友維持調護
賴以得痊賦詩誌感

弟客維揚北兄游鎮海東祇緣衣食累無復苦甘同殘
喘今無恙家書勿妄通仁看歸騎疾相對樂融融

朱桂

字林一嘉興人庠生官涇安教諭

發沅江過洞庭湖口

朝發沅江渚初日尙和煦遠水浸垂楊中州沒芳杜水
鳥拍拍飛回旋妙楚舞揚帆入淼莽破浪隨仰俯山低
岸影移浪疊雲容聚浩浩盪心胸脈脈思往古酌酒奠
芳魂美人渺何許

六月十五夜泊辰谿對月

萬里一輪月波光上下浮故鄉當此夕清影入高樓萍梗憐蹤跡壺觴強勸酬明宵何處宿雲擁楚天愁

張元叔

字華封號蘿谿平湖人歲貢生官餘姚訓導

石瀨山房詩話蘿谿家本殷富以好善蕩其貲產嘗暮歸舟子匿其香銀二百給以失足墮河無從撈摸蘿谿曰此細事勿傷性命幸矣其長厚如此早歲以廩膳捐教七十始選蕭山訓導未抵任丁內艱服闋補餘姚居官二十年以老病告歸邑大夫舉鄉飲賓辭不赴又三年卒年九十有四

黃雪山莊

春來好景惟三月是處亭臺得共經柳向風前傾細碧

續構李詩繫卷三十二

五

山從雨後送遙青一杯敘舊心情愜同調聯吟臭味馨

去櫂猶嫌永晝促看花莫負廣寒庭

時有看桂之約

王 漢

字聚五號慎齋秀水人著有雪鴻小草

楊芸聖曰先生名家子工詩善書以家貧游粵復游閩病瘵死

東粵歸舟卽事

風向西南吹客向東北去去者不得行來者不肯住引領望江南長空迷遠樹本非一葦枕更隔千山路由來遠歸人望家心若注疾行猶嫌遲況乃不得渡寄語石尤風莫令波濤怒荻蘆不回頭日落蒼山暮

張鷟振

字在庭號圭塘海鹽人著有圭塘偶吟

龍井

名山吟屐往來稀一徑松篁轉翠微春雨每看千澗合
暮禽時帶片雲歸香縈茶筍知禪味翠滴嵐光上佛衣
泉石幽深塵不染惟餘白鶴繞巖扉

孫鎬

字京武號清籟嘉興人

油坊黎

昔曾誇大谷今共數油坊墮地恆愁脰開籠已覺香遠
從潞河水飽歷薊門霜我有文園渴堆盤恣意嘗

胡又銓

續稿李詩繫卷三十二

字錦杼號桐江平湖人庠生

屈韜園曰桐江居近闕關安貧績學篝火寒窗
書聲常過夜分牙脣中俱非笑之而弗顧也為
文消古淵茂得古大家風格艱於童試四十餘
始掇一芹性嚴峻嘗赴宴富室優童飾女裝行
錫桐江兩頰發頰邊拂衣起去與陳青柯太守
稱莫逆交太守官京師遣二子南旋就學焉

哭仲父廓園公

吾家守貞白奕世傳儒術惟公恭儉資亮哉家之特憶
昔總角時懷丹弄文筆幸聞習勤訓常叨分廩卹方期
葛藟蔭庇此蒲柳質何圖乘驂去一旦典型失晴川日
森森寒林風瑟瑟長歌薤露詞餘哀何時畢

徐鳴珂

字駿聲號念沼海鹽人廩生

病中口占

自歎飄零久蹉跎惜此生秋風吹白髮愁絕不聞聲

費融

字草亭嘉興人國子生著有紅蕉山館集

泛碧浪湖

綠楊如澹水如羅澹碧春山學黛螺柁後斜陽柁前雨
落紅點點撲煙蓑

金壽彭

字伯清號五山桐鄉人

塢影

倒臥蜂臺百尺強空中是色本無常能遮苔蘚閒房暗

續補李詩繫 卷三十二

三

轉覺樓欄古院涼圓落庭心當卓午側侵殿角正斜陽
只愁天半雲烘斷寫失危標露頂長

王達

字雲衢號秋蓬秀水人著有秋蓬吟草

過北麻

布帆高挂湖中流千頃澄波一葉舟避弋驚飛悲旅雁
忘機自在愧閒鷗白蘋紅蓼分漁路黃葉丹楓隱寺樓
把酒臨風豁長嘯魚龍寂寂鏡中秋

殷華玉

字遇隆號香亭海鹽人布衣著有香樵詩草

放舟大江至蕪湖漫成

秋高天氣爽風暖布帆輕客路幾千里江行第一程斷
雲孤嶼迴遠樹暮煙橫前去蕪湖近鐙光幾點明

沈通

字泰交號曉溪平湖人國子生著有學古堂集

王稼州曰當湖舊族首推沈氏自歷代以來以科第文章著名者不可勝計數十年來有南疑集行世諸草廬宮贊曾作序極歎沈氏詩學之盛今曉溪復樹幟騷壇最工吟詠由其夙承家學而又南游閩越北至燕趙得江山之助故襟懷曠達寄託幽微至於言情寫懷深有合於風人之旨

飲酒

入世二十年閩南客最久豈不歷艱辛幸毋缺卮酒落
拓何所長遭逢宜不偶莫言勞我形造物意良厚

續橋李詩繫卷三十一

庚

日暮持一杯箕坐聊自適明月入疏簾滿地霜華白隔
院送清音嫋嫋風中笛不知車馬喧身與心俱寂
將欲遠遊過友人索飲

交游零落舊歡場又值三秋菊正香莫惜花前一尊酒
明年今日在他鄉

續橋李詩繫卷三十一

續橋李詩繫卷三十三目錄

金德輿 蔣元龍 吳宗元 陶連章 蟾

賈朝琮 孫映樾 褚炳 王用誠 沈大成

陸重光 沈莊毓 張炎 錢法 沈蔭祖

方駕 馬緒 王鳳九 陳謨 沈元勳

查涉 鍾駕鼇 高恆德 程拱宿 張槎

馬咸 張思忠 吳金蕙 程琦 周基

蔡永椿 沈德鴻 沈一誠 孫國柱 錢炯

吳汝然 錢志宰 陸德鑑 汪錡 朱休聞

張玉臨 褚元勳 張鎮 蔣守尊 陸世模

錢懋曾 汪又辰 朱南貽 朱承炳 吳山甫

戈 廖 王 策 姚壽曾 吳回春

續橋李詩繫 卷三十三目錄

金德輿 蔣元龍 吳宗元 陶連章 蟾
賈朝琮 孫映樾 褚炳 王用誠 沈大成
陸重光 沈莊毓 張炎 錢法 沈蔭祖
方駕 馬緒 王鳳九 陳謨 沈元勳
查涉 鍾駕鼇 高恆德 程拱宿 張槎
馬咸 張思忠 吳金蕙 程琦 周基
蔡永椿 沈德鴻 沈一誠 孫國柱 錢炯
吳汝然 錢志宰 陸德鑑 汪錡 朱休聞
張玉臨 褚元勳 張鎮 蔣守尊 陸世模
錢懋曾 汪又辰 朱南貽 朱承炳 吳山甫
戈 廖 王 策 姚壽曾 吳回春

續橋李詩繫卷三十三

平湖胡昌基雲仵輯

男金題瘦山
金勝東井校

金德輿

字雲莊號鄂巖桐鄉人國子生官刑部奉天司

主事著有桐華館吟稿

王述庵曰雲莊能詩善畫累世所藏法書名蹟
及宋刻書甚富南巡時擇善本以進有文綺
詠之入賞為刑部主事不久乞病歸所居桐華
館擅圖書花木之勝與蔣君元龍方君薰等流
連文酒四方名士過桐鄉者必造請盤桓而後
去端門投轄初無倦意
施少峰曰桐鄉金比部鄂巖好客工詞翰風神
玉立所弄金石墨刻名人手蹟甚夥橋李吳潛
川先生嘗拏舟造訪與石門方蘭抵布衣及同
擊鉢催吟一時傳為韻事

續橋李詩繫卷三十三

石瀨山房詩話比部自幼失怙母夫人朱無之
成立七歲便知吟詠稍長潛心金石詩古文詞
學日益粹嘗以三國志刊誤東觀漢記後漢書
年表補漢兵志唐書直筆舊聞證誤史糾唐史
論斷凡八種廣搜善本校付劂名曰史翼晚
年僑寓西湖與武林諸名校士結文酒之社與鮑
綠飲廷博友一日綠飲過訪與之飲方談笑聞
忽鄰杯於地呼之已逝矣綠飲悼以詩云誓向
西湖畢此生無端一語我心驚老輕書畫兼金
直死避窮愁兩字名詩卷景除是斜陽寫得成
擲已無聲電光石火須臾景除是斜陽寫得成

僧樓雨宿

春山解畱客游屐每忘返况值雨霏霏溼雲滿蒼嶽倦
鳥投故林歸樵下修坂茶煙出深竹招提知不遠僧雛
啟雙扉山樓容息晏禪榻明孤鐙香鑪裏餘篆法鼓響
上方雨聲渾莫辨今宵清夢魂塵縛庶能免此中湛虛

明妙義了然見

趙忠毅公東方未明之硯歌

銘曰殘月輝輝明星睽睽三號更五點此時
抗疏擊大閹庸則成汝功否則同汝貶硯修三
寸有七眼池如偃月狀爲沈侍御

廷芳

所藏侍

御曾上疏毀王振祠

硯池半規仿殘月鵠鵠眼同星點白摩挲三復讀遺銘
知是高陽趙公物幾經兵燹未湮淪開匣光芒燭太清
猶有稜稜手骨在墨花零落曉霜青熹朝政績多乖舛
委鬼茄花子大典宰輔郎官半義兒緹騎四出成鷹犬
尙書氣節獨森然常抱丹心對硯田灑灑千言書諫草

續構李詩繫

卷二十三

二

彤輝拜疏欲迴天參橫月落雞三唱想見揮毫氣雄壯
誰道天心難轉移一朝遠戍辭天仗萬里龍沙斷客魂
祇攜片石伴晨昏賜環有詔君雖悟惜未生還入玉門
此硯蒼涼閱人代月暗星移失光彩東陽御史偶得之
行篋常畱神物在霜飛白簡氣若虹立朝頗有前賢風
貂璫死後有褫魄不許崇祠在域中先後端人手親撫
硯兮硯兮得所主君不見信國當年玉帶生七客寮中
共懷古

梅溪道中

秋色正無際扁舟此夜涼村深人語寂風急樹聲長野
火隔林小霜花壓岸香凭闌一遙望款乃水中央

張二誠由豫入蜀歷攬少室峨眉之勝轉京師抱
痾歸里作此寄慰兼示相洲春農

隔歲行蹤兩地分江南冀北悵離羣每逢歸鴈應思我
看到梅花便夢君消渴秋來同善病詭人海外有奇聞
君病甚劇家鄉傳聞異詞故云還鄉兄弟聯牀話展篋先探玉笈文

東風過綠飲村居

豆花棚底結秋堂秋到窗前引興長久住漸知耕鑿趣
愛閒翻爲校讐忙偶烹野蕪如兼味每借奇書潤薄裝

如此村居良不易勸君何必羨衡湘

時君擬作楚游未果

蔣元龍

字乾九號春雨秀水人副貢生著有春雨稿

續李詩繫

卷三十三

三

南野堂筆記春雨工繪事嘗以楊梅紫液畫牡丹用草汁作葉錢文端公題曰天然富貴圖袁簡齋太史題云楊梅一口吐紅霞便是春風富貴花從此人間重眞色丹青不到畫師家春雨自題所繪墨牡丹亦拔佳絕
金題曰春雨詩筆峭拔組織工雅復極自然嘗有老枕早知秋五字爲吳澹川明經所激賞謂其得少陵詩法也

酒旗和吳西林先生

東風搖颺一行斜獵取春光爛不遮幾處題詩誇竹葉
有人扶杖趁梨花小橋流水情無限野店荒村夢愈賒
最是殷勤畱盼意白公集裏認仇家

自題所畫墨牡丹

勿論左魏與姚支墨暈春風寫一枝爲有自家眞國色
不須從俗買胭脂

吳宗元

字大始號岱芝石門人貢生著有約言書屋詩

鈔

金題曰岱芝詩結體選調規樞有明七子而於李何尤稱嫡嗣後游武林從天台齊息園先生游所作格律益細一以少陵為宗凡登山涉水悉發於詩大吐胸中奇氣晚歲數門卻掃藥爐經卷蕭樓斗室面目枯槁若入定僧然

舟行得風

舟行得風箭脫手驚濤萬斛夾船走望中雲樹纔微茫
轉眼已落篷窗後長年舒嘯高浪中白晝攤錢挂飛篷
青山兩岸爭迎送頻向船頭祝順風為語篙師且勿祝
去船高歌來船哭人生快意本無窮末路安穩便為福

錢武肅王鐵券歌

續李詩繫

卷二十三

四

牛山纔掘黃腰獸羅平妖鳥唬白晝天子華州復鳳翔
紇干凍雀無遺殼臨安石鏡三丈光冕旒忽覩異姓王
金戈一擲妖昌斃半壁遂乃支殘唐詔曰汝鏐忠貫日
力剪凶渠獎王室褒德庸功古有經孔悝鄧隲誰汝匹
錫之金版申誓詞帶河礪山世守之免王九死餘三死
宜付史官昭來茲此事昭宗丁巳歲歷宋元明凡幾世
王家舊物尚煒煒不與涓流同漂逝曾沈於渭水人生富貴
安可常惟忠與義延祚長不然恃此一方鐵往往盛滿
羅禍殃君不見崇韜誅繼齡族鐵券何能保爵祿崇祠
特賜表忠名兩字至今照史牘

徐烈婦

腸可揉腹可剝妾身如玉不可污纍纍樹杪驚飛鳥心
未死舌未斷囑夫納腹言侃侃完吾故軀事勿緩嗚呼
如此貞媛遭此毒天壤之間酷莫酷邑乘勿詳史勿錄
我歌此詞鬼夜哭

梅花詩和高青邱韻

未許林蜂野蝶知一星春逗最高枝人來遠驛渾如夢
月落空山有所思殘雪半消溪路外夕陽剛落竹籬時
吟香繪影知多少除卻林逋不是詩

不共春風鬥豔妝一株空谷自斜陽清含月魄枝全瘦
冷逼詩魂夢亦香小雪風光江店晚嫩寒天氣酒樓忙

多情苦向孤高寫撚盡吟髭總未償

續橋李詩繫

卷三十三

五

登八詠樓

飛樓突立架星杠洞達天圍八面窗萬嶺南趨控閩嶠
雙溪北折走巖江山川半壁雄諸郡金婺分星鎮一邦
高詠壁閒名守句天風吹唾落寒瀧

陶連

字夏重號東籬嘉興人貢生著有東籬詩鈔

王述庵曰夏重為同年進士汪銜之子天才穎
異風發泉湧而筆之所至皆合於規矩常隨予
至江西言詩譚藝頗具牙曠之知後客死蕪湖
詩卷零落卽浙西人亦罕有知者
南野堂筆記東籬家月開門樹樹秋
之句我師沈玉崖先生每愛賞之僕素園納涼
云高柳微風歇暮蟬清涼無汗早秋天最憐倚
幌家家月漁笛一聲何處船卽用其句也中年

喪子客死蕪湖其在信州哭子及寄內詩二作
不忍卒讀

登宜春臺

選勝在地偏每從郭外訪詎意囂塵中崇臺得幽敞書
館幸爲鄰支筇時眺望東攢雙箭峰西疊白鶴嶂其北
袁京山南有大小仰連巖抱如城昏旦非一狀雜英紅
已繁秀江綠始漲井闔起炊煙散作晴雲颺縹緲蕩心
胸如在九霄上衡黛潑空來湘色遠相向妙境畫所無
應接神亦王題詠凡幾輩溪山故無恙如何帝子宮住
錫容梵放斜陽甲荒祠上有漢長沙定王祠臨風獨惆悵

昌山峽

分宜縣西二十里

驅山山不行截流鎖江面巨靈劈嶄巖神漢肆噴旋衝

續橋李詩繫

卷二十三

六

沙石將崩晴空雨倒濺行看七聖迷鑿待五丁遣呀如
石門闖輶如鐵輪輾鏢如舞劍騰森如奮戟戰戰吼如鎮
巨鼇譬如駭奔豚欸如虎牙張攫如龍爪胃入坎坐於
鍼沿流引若綫刺篙術少疏觸嶸禍立見賴有忠信存
顧之心猶顛稽首闕城君乞借東風便

章蟾

字香圃號致庵嘉善人虞生著有雙影山房詩

鈔

石瀨山房詩話香圃爲北亭太史嗣子繼太史
之業專精經學於三禮尤多所辨論後研求易
理專心濂洛之學生平詩尤多所作亦不苟存
遺詩二卷其遺孤迅齋孝廉雷從做篋中搜得
者茲錄四首聊見一斑

沈貞女歌

娶有日女喪夫齊衰以弔葬則除廟未見女忽死皇姑
不耐葬母氏聖人制禮因人情不苦以難固如是卓哉
君家嫂夫死一命同秋草當時涕泣語阿翁令其雙棺
一處埋春風春風吹草年年綠春去秋來草已宿卽今
墓門於柏枝應化村中連理木嗚呼草木本無情惟有
貞魂固結常如生前生定比翼身後終相匹生未同衾
死同穴芳名應借貞珉勒鴛鴦去黃鵠哀歌聲激烈腸
爲摧嬉春越女紅兩腮插花墓旁冉冉來嗚呼來者心
知否嗚呼逝者心不朽

白雲書菴渚澱山紀游後

續橋李詩繫

卷三十三

七

白苧城邊春岸長澱湖東注水茫茫華亭鶴去無消息
寥落機雲夢草堂

香雪海

香雲繚繞雪濛濛四面青山曲徑通願得此閒成小築
一生常住萬花中

靈巖

吳王宮殿廢菁萊香徑無人草亂堆惟有春風最相惜
年年吹綠上琴臺

賈朝琮

字公桓號嘯軒平湖人副貢生著有嘯軒詩集

石澗山房詩話嘯軒偉軀善啖膽力絕人善舞
雙刀輪轉如飛嘗以省覲入蜀往返萬里不借
僕從亦無寇盜患中年徧探會稽天台洞庭京
口豫章諸勝所至輒有題詠晚年卜居南郊之
竹溪與二三知己某酒爲樂精六壬數自占祿
命當盡於甲戌之某月日時屆期召子婦及已
嫁女圍坐榻前談笑訣別從容自若至黃昏忽
曰且各歸寢過此諒無虞也眾方散而目已瞑
矣詩才氣奔放綽有古大家風格

上三峽黃牛空舩車箱三峽

一灘復一灘灘灘排雪浪一峽復一峽峽峽呈奇狀懸
巖插層霄突兀不可仰一綫開鴻濛九曲列屏嶂礪珂
滿江中虎豹蹲相向水奔石攔截忤觸聲激盪駘駘撼
坤軸洶洶翻海藏鳴鼓集篙師百丈牽舟上魚貫入巉
巖匍匐齊呼唱尻高手爬地水湧濤益壯舟如懸高梯
尺寸不相讓牽絲中迸斷百里憑一放有時入旋渦舟
石兩擊撞磕然碎木飛人命魚腹葬雖有賁育勇顧盼
神魂喪竊聞古夏禹黃牛開絕嶂懸流萬壑奔偉績八
年朞千載邈誰繼夷此陷人坑我欲倩巨靈舉掌一排
蕩礮確隨洪波往來悉疏暢天關杳難叩撫懷空惻愴

坂子磯

赤眉已入長安城四海紛弄潢池兵宮中日日演春燈
坐令大廈崇朝傾良玉健兒不殺賊露章先欲清君側
珣戈鐵甲捲地來主臣相顧無長策軍符四出羽書飛
勅旅悉調屯坂磯可憐靖南龍虎將貪參虛爵乖憑依
昔人忌器慎投鼠將軍跋扈真輕舉犬子何足付大事

喋血臨侯悲誤汝扁舟挂席此經過江流浩淼山嵯峨
試問當年鏖戰處空餘殘壘凌寒波

曉登龍泉山

繁星滿天銀漢斜雜聲喔喔來山家夜半披衣踏殘月
蕭蕭兩鬢凝霜華巉巖峭壁盤迴上耳中惟聞山澗響
馬蹏蹠躩背汗流忽到天門驚詖蕩瞳瞳曉色萬象開
彩霞片片東飛來千峰矗立芙蓉堆彷彿海上金銀臺
前生本是紫芝客十年枉踏槐花陌拏雲心事說不得
獨立高峰弄寒碧

登大龍山望太湖

何年當邱手神劍躍入波心閃飛電雷轟霆擊斬乖龍
至今顛骨遺湖面磊砢橫眠數十里捲鬚縮爪伏不起
有時萬竅噴怒濤吟吼猶疑龍不死我來蹴踏升其巔
昏霧晦冥頭目旋阿香推車擁足下拏空彷彿騰雲煙
道旁觀者忽大笑死骨何能逞奇妙安期不跨朝玉京
祇合湖中變孤嶠靈鼇昂首蛟螭奔劈浪勢欲翻乾坤
具區三萬六千頃張口一吸全湖吞倒捲湖波作飛雨
碎珠迸落苗田溥誰云犖确難變化不得爲霖蘇斥鹵

孫映榭

字月卿桐鄉人庠生著有得月樓詩草

方鐵珊曰月卿精篆隸工書畫海鹽陸太冲稱
鄉陸丹叔兩先生極器重之中年潦落不遇卒
於京師友人嚴石帆梓其詩
石瀨山房詩話月卿少孤鞠於王母長工舉業

精楷書凡篆籀八分以至珠璣錢銘皆工緻有法入都名動公卿間援例入太學北闈被斥而祖母計至踰跟南旋未幾以病卒年止三十有六爲人耿介取與一毫不苟其初發都門時方春初沍寒交迫衣褐不完友人或解裘以贈堅卻弗納以故病入膏肓莫可療治其詩清雄駿爽奇僻排異具不可一世之概而其選聲赴調音節諧暢則又非棄規失矩者所可比擬

雨後期費草亭不至

夕雨溪上過不知溪月上涼颿蕩天末雲際露清幌煙鳥棲復驚風泉斷猶響之子期不來抱琴仁遐想

雨後

秋林疏雨過樹杪滴餘響披衣步前軒涼月漸東上微風蕩簾鉤清輝落書幌徘徊夜未眠相對氣彌爽

苦雨吟

續橋李詩繫卷三十三

十

鷓鴣鳴鷓鴣前村後村聲亂呼漫天愁雲黑如墨一雨浹旬復累日畦町成江河阡陌翻長波摘葉飼蠶葉帶水可憐滿箔蠶欲死蠶欲死向蠶拜農家五月無絲賣胥吏到門索官債

畫松歌爲家筠樵作

蒼龍夜半翻幽壑倒挂之而走雲幕空堂颯颯風雨寒四壁忽看枝拳攫初疑偃蓋山使者異服來人閒又疑蒼髯叟故作奇形橫窗牖憑軒歛與精靈通不知身在丹青中左披修鱗右長鬣霜皮鐵幹翠雲鬣孤根夭矯勢欲飛想見良工氣蓬勃我聞畫龍稱神工點睛飛去翔天風又聞畫馬善變化天顏一顧起長夜爾何素壁

蟠虬枝鱗甲隱見乃與山人同伏雌吁嗟乎人世遭逢
有泰否奇材往往困荆杞豈特爾之偃蹇畫圖裏

題雨山圖

靜巖
畫

雲巒倏忽翻遙空虛堂白晝煙濛濛憑軒陡視障猶溼
靜巖老人真神工茆簷昨夜雨不止颯颯寒風打窗紙
興酣捉筆氣淋漓精靈直入蒼茫裏古來畫史何紛紛
南宮墨妙無前人大癡道人巨手筆後來作者誰與論
先生突起大張拓陶鎔二子創奇作經營慘澹運匠心
墨花亂向空中落青山萬疊更深離奇古木撐千尋
斜通略約不知處溟濛一望迷空林披圖坐對日當午
抽毫不覺長吟苦詩成一笑風雨來咫尺煙雲繞蓬戶

續構李詩繫

卷三十三

十一

汪筠軒爲王雪塘畫峨眉行雪圖予作長句題之
我聞岷山之脈延袤三百里連岡疊嶂突起峨眉峰八
十四盤徑如綫面面削出青芙蓉中有經冬歷夏雪未
化誰能到此一一搜奇蹤琅琊年少客意想高龍從翩
翩休陽子邱壑羅心胸一言冥合匠心出粉黠墨黠頤
刻浮空濛空濛一片淨寒玉雪霏霏兮山重重三千銀
界十二瑤宮嶽奇岌巖璀璨瓊瓏洞門猿餓以哀叫虛
谷虎嘯而生風幅巾蹇驢者誰子乃於人所不到之區
百步九折凌寒空生平愛山有奇癖夢魂直與山靈通
朝游日觀暮雲海心搖目斷徒夢夢披圖轉令神飛越
茫茫四顧將安從我欲身披白鶴氅手招青蓮翁峨眉

三峰駐雙足華嚴法界叩元功上凌碧落雲秉帚下聽
絕壑泉淙淙璇臺珠闕指點虛無中胡爲乎蕭蕭瑟瑟
閉門僵臥同寒蟲

雲居山寓樓分韻得聲字

江風吹不斷颯颯滿秋城共此危樓上輕寒一夕生孤
鐙侵客夢疏雨亂蟲聲無限蕭條意披衣話短更

雨後過牛舫齋

雨過寥天蕩碧痕好風攜展夕陽村沿溪一徑無行迹
芳草隨人綠到門

寄灌花子南湖

美人遙望渺煙蓼采采芙蓉一擢孤無限相思落秋水

續橋李詩繫卷三十三

宵來流夢到鴛湖

褚炳

字煥符號靄巖嘉興人庠生著有學圃齋稿

送王穀原之太平

風鳴梧葉秋夜靜露華瀉叢生小山桂幽馥入簾乍王
郎發清興牽爾攜不借姑溪千里近一擢指江汜青山
月將隨采石帆應卸狂飲緬謫仙高詠追小謝所惜故
園侶朋牋待君研歸期計重九黃菊壓新醪

秋夜有感

秋氣蕭騷夜悄然夢回鐙暗抱愁眠月移花影過欄角
風引蛩聲到枕邊力薄難償千里志業荒恐負一經傳

細將甲子從頭數虛度流光二十年

王用誠

字元音號竹林海鹽人庠生著有西樓詩鈔

石澗山房詩話竹林家貧篤學爲詩確有淵源嘗與朱桂巖梅移兄弟及顧雲崖諸君訂僑札之好往來唱酬屢形篇什詩筆超潔脫出風塵

游澈川悟空寺

秋高風景涼野寺罕游侶沿溪梧葉稀入殿苔痕古林深隱樵唱竹密喧鳥語我來適逢僧參禪喜相與畱連坐移時齋廚動粥鼓策筇方下山一鉤新月吐

秦溪晚步

樹影遠霏霏支筇入翠微夕陽人獨立秋色鴈孤飛離

思隨風葉閒情俯釣磯南山何處是吟眺欲忘歸

春夜懷曹五澹凝

離恨如春草春風吹便生書遲看鴈過夢斷聽雞鳴隱隱三更月迢迢兩地情茅堂一尊酒花發候君傾

登橫山

落日明孤嶂蒼茫野色開松林禪寂寺秋草讀書臺明月畱今古閒雲自去來流風常歇絕嘒鳥數聲哀

晚過紫雲村訪顧山人雲崖

杖策閒來一訪君竹籬茆舍半斜曛漁舟遠泛溪頭月樵擔籠歸谷口雲無吏催租堪獨詠得錢沽酒卽常醺空山儘有幽居興戶外塵喧百不聞

悼亡

歷盡窮愁費苦辛深閨相向白頭新自從洗手來三日
也算齊眉到六旬夜壑有情應念別涼宵入夢乍疑真
貽安好賸清貧在莫為兒孫慮水薪

人生亡內忌日

離緒悠悠歲月更總帷蕭瑟不勝清最難為念經年別
亦甚無聊此日生殘蝶尙懸秋後夢吟蟬如話雨中情
故樓風物依然在屈指流光淚欲傾

沈大成

字集元號瘦客嘉善人廩生著有靜觀齋集八

卷

續構李詩繫

卷三十三

十四

郭頰伽曰瘦客於詩極精研喜為恬愉婉約之
音家貧親老志切功名屢試不第輒吟嘯不已
嘗有著云功名何物偏由命科第人間別有才
年二十九卒其友黃退庵哭之詩云世有科名
非兩日命無窮薄坐詩工讀者為之揮淚
金題曰瘦客幼有神童之目年少游庠食餼
七赴棘闈四薦不售佗慳無聊齋志以歿其詩
清麗繇遠不作高調動中雅音得力在尤楊范
陸間而不落宋人窠臼者意筆靈也

春夜憶頰伽兼寄江庵

人生不滿百似夢天易旦信宜秉燭游良夜樂清玩我
年近三十鄉曲受羈絆自少慕相知所往若冰炭江南
郭林宗風流吾黨冠文字百年交星霜八載換意氣重
別離心情託羽翰去年罷秋闈黃花開爛熳君歸白下
門我客分湖畔失路逢故人悲歡一剖判詩酒恣清狂

往復連晨旰殘臘理歸裝新年敘親串旣畏出門行潛
居若逃竄君約病徐熙顧我舟泊岸新愁并舊愁如冰
遇風泮詩人張梁齋與黃退庵具酒佐芳讎分韻復聯吟擊
賞頻拍案雄談傾肺腑逸興高雲漢絲管太豪奢肴炙
紛凌亂何如清雅集良會人間罕投轄君且畱典衣吾
所願離亭柳吹絲別筵淚垂霰轉眼悵風雲片時忽流
散昏騰病眼中好春去過半有酒不同飲有花不同看
遙知水村水春至亦瀾漫耿耿一孤鐙終宵坐長歎窗
外子規嗁月落星辰燦

臘月大風

黃雲漫天黃黑雲壓檐黑陽烏晝掩光陰免夜藏跡人

續梅李詩繫

卷二十三

十五

臘不見春容韶江梅無香柳無色昨夜風來動地飄壁
戶拉攏牀幃搖鼇翻鯨吐競蹴踏金鈴鐵馬爭喧囂土
囊盛氣何鬱勃揚塵發堞井竈塞高塘從復被傾頽何
況故園廬未葺因思秋月聞風聲重陽對菊無純羹自
傾杯酒酌風伯歸途願及冬來晴冬來欲歸歸未得天
遣風輪西轉北刀鎗觸擊軍聲轟雷電砰磕天鼓發曉
看庭樹墮危巢故園隔斷心肝絕故園愁復愁鄉心如
水客如舟問我飄泊幾時休嗚呼問我飄泊幾時休

登湯山觀海

乍川形勝何所有屋如雞堞城如斗正月我爲觀海游
登山不數青峰九東南一望海連天帆檣出沒浮雲煙

尋僧竟入山頭寺借問山僧潮到未須臾潮頭潑天來
蟄龍出舞龍宮開勢如千匹萬匹馬長驅直至湯山下
湯山雖無萬丈高當風已欲凌雲霄此日拍手歎奇絕
日落風低勢亦息回看乍浦重重樹萬家煙火生寒霧
書生狂游志亦奢浮海願得張騫槎仙人移入蓬壺裏
大海依然一杯水

舟過東湖

已綠東湖水扁舟入畫圖山光空外遠槍影靜中孤鷗
鳥自出沒夕陽明有無煙波回首處春色到平蕪

魏塘竹枝詞

妾家門對鴛鴦墳郎家門對鳳凰墩鳳凰飛去鴛鴦散

續稿李詩繫卷二十三

共

村北村南空對門

蘆汀秋老月光微隻影平沙伴侶稀不及雪泥封鴈塚
也知同死勝孤飛明宣德間有以隻鴈醜邑令者哀鳴
不已一鴈自空下隔籠交頸而死埋

邑治後圍至
今呼爲鴈塚

福源宮前水拍隄連朝新漲沒鷓鴣怪郎底事頑如石

儂意憂歡總不知明永樂三年海決夏尚書元吉姚少
師廣孝共拯水患立石斜塘福源宮

前測水消長
名憂歡石

百尺松濤高閣寒一林鐘磬月臺寬休言甃壁陰晴異

顛倒郎情一例看慈雲寺後有千佛閣有
月臺天晴反溼雨反乾

荒原落日舊池臺月榭漁莊半草萊猶有東風似相識

門前一樹海棠開元馬姓居西塘營別墅曰沙棠
莊旁有海棠亭月榭釣魚臺

分湖十里鏡光平
畫舫桃枝打漿迎
郎擷秀尊供妾饌
妾調紫婢作郎羹

分湖在邑西北半屬吳江產紫鬚婢菘菜桃枝楊鐵崖妾

看鐙詞

華鐙萬戶影交枝
月上黃昏也不知
郎愛看鐙儂愛月
到無鐙處立多時

西漆南油一樣春
香階羅襪沈輕塵
不知鬧裏同儕失
一笑回頭錯喚人

陸重光

字漢乘號似堂平湖人庠生著有秦峰草堂詩
戈韞石曰似堂工書法筆力蒼勁出入歐顏詩品超潔

開野軒卽席同泰巖作

續橋李詩繫 卷二十三

側帽低簷開野軒
數聲清磬裏茶煙
林邱隨意偕同輩
子弟多才讓少年
小雨忽驚花落地
輕陰遲放月明天

年年晤對知誰健
玉筍清香煮舊筵

登秦望山

故人隨我上雲峰
再作重陽蕭寺東

東坡詩菊花彌月作重陽

蘆花連岸白殘林
楓葉隔江紅
灑溪胸次川前月
思量

丰神殿內風短杖
一枝歸路遠
渭陽詩思逐飛鴻

謂二單生

沈莊毓

字原肅號古石嘉興人庠生著有古石山房集

金題曰古石先生長身鶴立性木訥年逾杖國鬚眉猶黑聞有甘山水輒徒步數十里無事扶掖予嘗贈以詩云先生七十鬢初斑獨抱遺經日閉關交可忘年猶耐久詩能避俗不須刪青

輿布韞江湖外野鶴閒雲水石間正是江村新
兩足春風吹綠一房山蓋爲先生寫照云

東田書屋觀荷

薰風拂拂動簾波簾外紅裳似影娥日午劇憐花韻靜
宵涼偏愛雨聲多頻牽消夏三更夢曾譜宜秋一曲歌
閒向東田尋逸興厭厭那惜捲銀荷

張炎

字淡玉海鹽人布衣

徐雪慮曰淡玉託業甚微嘗賣餅平湖之清溪
日肩鑪釜行吟村落閒得句就村夫子索筆視
書之餅爲兒童攘竊一空弗顧也又有詠菊句
云老圃月三徑曉霜秋一籬

歲暮抵家見庭前殘菊有感

歸去來兮歲又闌東籬對菊且爲歡風塵格外標清賞

續稿李詩鑿卷三十三

六

霜雪叢中獨耐寒無復良朋同臭味幸畱晚節未摧殘
多情只有青山客遲暮逢人帶笑看

錢法

字韻琴號琴齋石門人庠生著有灋陽唱和集

客中暢懷集

施少峰曰琴齋本籍嘉善世居慈雲寺東之石
馬灘其祖光輔茂才始遷玉溪自幼奉母夫人
太熊之教辛苦積學以底成立性孝友鄉里咸
爲矜式

晚過富陽

十幅蒲帆破浪游時聞津鼓打船頭同年指點斜陽外
此是春江第一樓

臨江有春
江第一樓

沈蔭祖

字古音秀水人

南野堂筆記古音篤行君子也爲詩不事雕琢以自然爲宗其佳句如春山看不盡好在夕陽閒宿霖花港滿新穫稻田低天邊游子遠江上好山多風神驗宿甲晚妙境

半畝園步月口占

居民晚飯罷絡緯鳴向夕猶有不眠人吹燈語簷隙

山行

一帶連蜷向日曛忽看巾子白紛紛青山自是多情物纔了朝雲又暮雲

方駕

字上襄號鶴仙桐鄉人庠生著有鶴仙漫稿吳

下游草

續李詩繫 卷三十三

十九

金題曰鶴仙天才宏麗旁涉醫卜詩宗浣花曾繪瓣香草堂圖每值杜老誕辰展圖設酒脯祭之祭畢招社友快飲馬徧購評杜諸家參以己見彙爲評林惜中道病發未竟其業

陳烈婦詩用少陵新婚別韻

日月不並曜人生有短長卓哉深閨婦爭光日月旁弱
歲爲君妻寢疾君在牀晨昏侍湯藥寒暑不辭忙一朝
成死別咫尺隔陰陽膝下無遺孤堂上有尊嫜再拜謝
尊嫜遲暮慎行藏願遂同穴志泉路得相將誰言齒味
苦妾甘沃饑腸從容就大義風日爲昏黃親戚哭之慟
鄰里泣數行雙棺齊戒道兩旒忽飛揚行者送烈婦束
帶整冠裳處女送烈婦當戶除紅妝鵲鸚比翼鳥西去
同翱翔牽牛與織女何必兩相望

徐烈婦詩用少陵兵車行韻

雲冥冥風蕭蕭夕陽欲落西山腰行人指點烈婦塚
前流水滢溪橋高風勁節已百載羽毛一點凌青霄
當年醜酒會良人一杯一杯勸行頻古來盜賊不足死
負穉子趨東田妾身自分遭賊手君來收骨玉溪邊馬
如游龍車如水賊兵連綿來不已娥娥紅妝坐雕鞍
漉漉男頭擲荆杞情知妾命墮泥犁良人穉子各東西羣
兒面縛見賊帥魂飛湯火如烹雞賊帥且莫問一死可
不恨豈知良家女竟向刀下卒妾身任汝分妾腸任汝
出人生非金石安能長美好紅顏一旦赴泉臺碧血千
年賤蔓草君不見玉溪頭良人歸來腸始收烏鳶繞樹

不敢啄至今塚畔嗚咽啾

續橋李詩彙 卷三十三

三

馬 緒

字鑿操號漁村海鹽人國子生著有抱樸居詩

秦小峴曰君少孤力學既為諸生屢試不售乃
專肆力於詩清遠閒放風流乎有唐人之遺所
居橫湖里水木明瑟構屋讀書其中琴歌酒肆
翛然自得時錢塘朱芾彭何春渚琪皆詩
君皆與之游遠近遂莫不知有詩人馬漁村者
潘芝軒曰居士幼孤事母有孝行飲食必親嘗
中單踰器皆躬自澣滌母歿擇善地治井鄰嘗
跋履霜雪觸暴風巨浪不辭勞險既葬置墓田
丙舍抱父書棲息其中當秋寒宵靜林木嘯號
宿鳥飛鳴驚起輒徘徊孺慕悲吟達旦其至性
過人如此
吳兔牀曰抱樸居詩其旨清而遠其詞麗以則
惟陳言之務去而不涉摹擬蹈襲之迹晚年藉
作益臻淵邃由其得溫柔敦厚之教深故可以
傳遠而式後
石瀨山房詩話予與馬子愚庵交得讀其尊甫

抱樸居詩冲夷恬曠得風雅正軌又聞其內行
醇潔鄉里稱善人今愚庵與弟少白一門雍睦
所居有棗樹連枝之瑞蓋和氣所感召者由來
有自矣

秋日集李能白先生小池亭觀天台山諸碑版拓

本

我聞天台山高一萬八千丈突起攙天勢莽蒼上神馳

幾載不得游空懷勝境誰尋搜流傳名蹟有墨搨小亭

畱客當清秋眼前翔翥見鸞鳳几上嵒蜿來蛟虬就中

歷歷堪指數金庭觀碑名最古千齡始且萬春華故作

大言相誇詡金繩玉簡受帝符遐哉羽客孰與徒高文

妙筆出自徐孝穆後來隋家祕書柳氏毋乃堪齊驅奉

敕文國清寺咳唾一一皆明珠白郎神事尤堪詫一夕

續橋李詩繫

卷三十三

三

甘霖降如瀉龍湫亦有仁真亭異絕前聞足相亞蕪絕
華頂峰結廬傳觀公一坐四十載心識已俱空諸碑摹
搨盡無恙想見盤螭出青嶂恍然身置靈墟福地閒陟
磴攀崖愈神王先生好古兼好奇篋中藏弄光陸離幾
經遷徙未失墜至寶是保前人遺有約他年裒攜攜杖
相追隨東渡錢江更訪禹陵碑

壺盧歌爲天涯張太翁作

鑽天擦地形神敞俗子紛紛競甲第那似橫山老人嘯
傲薄當途杖頭但挂一壺盧吾聞仙家最重辟邪翁延
壽客有時假此以消陽九厄山人獨於二者之外深愛
惜焚香把玩朝復夕讀書臺畔地幽偏服食咽氣八十

年目炯炯髮垂肩望之得不歎爲人中仙君不見君家
子房賢達士晚歲思從赤松子富貴功名不挂齒想翁
所見亦及此茹芝辟穀學輕身日攜壺盧游戲樂天真
閉戶不與塵閒親如山人者真隱淪嗚呼如山人者真
隱淪

舟次東湖

出郭卽通津佳游及此辰林收三日雨花釀一湖春古
堦依僧室長隄拂釣綸弄珠樓在望吟賞足怡神

薄醉

薄酒不成醉崢嶸氣未降天寒霜殺草夜靜月窺窗遠
渚喧鳴鴈孤村絕吠龙苦吟嗟漸瘦漫擬賈長江

續橋李詩繫

卷二十三

三

雨後散步秦駐山下

雨霽泥猶滑閒行認屐痕人來秋水渡鳥沒夕陽村樵
擔投山寺漁船下海門尋幽防失路不敢躡雲根

春日感懷

看盡飛花晝掩門一春贏得是消魂偶因佳日思朋好
漸近中年計子孫棖觸新愁如有約依稀舊事已無痕
夕陽又覺東風急幾點歸鴉落遠村

庚申元旦示國偉用俊

國偉補注此先大人屬續前一日作也

病骨支離過六旬白頭歲月又逢新呼兒檢點家園樹
好護荆花待放春

王鳳九

字豈凡號梧桐嘉興人布衣

雜詠庭卉

牆陰秋萼芳娟娟好顏色惟以色自好豈為媚人飾可
憐思婦心區區人不識同以海棠名斷腸爾獨得

玉簪雖小草江南推第一花開白於玉皎潔孰與匹愛

此無瑕疵可入君子室莫上美人頭膏油污爾質

語溪舟中

船窗獨倚愛新晴出水秧鍼一望平兩岸綠楊濃似畫

桔槔聲裏乳鳩鳴

陳謨

字汝師號拙修平湖人歲貢生

續稿李詩繫卷三十三

五

石瀨山房詩話古道自任乾隆丁丑學師嚴於
鶴性伉直力以古道自任乾隆丁丑學師嚴於
明倫堂演桃鄉繩伎邀典史某同觀伯酒明經
憤甚偕同志沈廷燦艾峰控於學使者郡守某
欲以重法懲之嚴竟以屬明經抗詞不撓藏上
學使兩置不問而嚴竟以屬明經抗詞不撓藏上
去任理事廳吏李某以培克富園亭取御借
擬世家每出坐四人捫輿俊僕雲從一日遇於
途浙經從輿中掉出拳毆之李鼠竄而去前後
轅門軍令素嚴人莫敢窺伺明經以弟敬禮有
鞞布轎朝入暮出固山以下皆站立以俟明經
遇筆牀茶竈雜置左右與客談謙沖和雅又非
崖岸自矜者平生肆力古文湛深經術詩特抒
寫性靈而已

庚申九日招同人雅山登高

西風吹我衣送上雅山頂山高僅廿尋青峰勝相引北
既愛秀婉南尤訝雄猛或如熊虎踞或如騏驎騁翩翻

鳳展翅天嶠鶴延頸鐵色綴黃綠斑駁古彝鼎裂罅罅截
若軒闢洞深以迴惜在海一隅長此委荒梗山靈會有
遭良興足豪逞際茲重九期朋儕共觴詠登高非我意
藉以發異境諸君有同心聞言首皆肯跡欲徧山頭暮
雲銜日景

哭蔣澹村

杖履先行過草廬俄驚殂謝淚漣如光風霽月嗟何在
采玉探金悵已虛胸次悠然羅二酉心傳允矣繼三魚
精神詎與形同盡看取人閒不朽書

沈元勳

字鼎書秀水人貢生著有寄閒詩草

續稿詩繫卷三十三

五

東陽旅舍

落拓一空囊飄然客異鄉夜寒鐙黯淡月轉漏淒涼夢
裏鄉關近書來道路長花殘春已去風雨阻歸航

秋杪病起

雲封水閣曉風寒煙鎖虛窗日影殘病久不知秋欲盡
一林楓葉半溪丹

查涉

字濟之號楓嶼嘉善人官鮑郎場鹽大使著有

月巖詩草

焦山

突兀焦山嶺登臨一徑通人煙瓜步外蜃氣海門東

焦山

東有二小山 樹擁歸雲黑波翻浴日紅客來尋寶墨惆
名海東山 樹擁歸雲黑波翻浴日紅客來尋寶墨惆
悵舊亭空 舊有寶墨亭今廢

春晴

片雲斂盡雨初晴霽色旋開異樣清新綠浮階芳草長
倦紅貼地落花輕穿簾忙殺銜泥燕選樹爭調出谷鶯
兀坐芸窗清晝永殘書一卷足怡情

鍾駕菴

字繩祖號海六嘉興人貢生著有海六詩鈔

蔣春雨曰海六出吾友范治堂之門攻舉業外
獨肆力於古少即嗜讀文選唐詩嘗取前人注
選本悉心詳核開能補所未備故其詩精於選
理恢恢然有古人形貌而不肯墮入晚近初家
新豐鄉後居郡城角里

續李詩繫

卷三十三

五

秋懷

矯矯山中鶴夜涼警秋露逸翮指蓬壺輪軒本非慕伊
余棲衡茅養真葆吾素忘機企漢陰抱甕灌園圃得喪
理無殊倚伏靜自悟候蟲深樹吟徒勞訴遲暮

詠懷

白鷗制樊籠哀鳴無休時我生太局促鬱鬱何所施悲
風中夜起凝霜百卉腓僂俛見榮枯鬢髮忽成絲老驥
當伏櫪常懷千里思恨無魯陽戈三舍迴羲暉

大風渡江至瓜洲不得行

大江浩無極噴雪波濤怒游子不憚險擊楫中流渡行
行三里餘復與狂風遇纔過瓜洲城未見廣陵樹斜日

下帆檣天末孤煙暮

高恆德

字月川海鹽人著有月川詩草

雜感

扶搖西北來雲鵬振羽翼翱翔太清表冥冥不可卽嗟
哉燕雀羣日夕棲荆棘飲啄未得安羅網常恐偏人生
亦何爲小技窮篆刻文章不用世徒爾守繩墨滄波向
東注白日忽西匿毛羽未豐滿高飛安可得

懷顧鎮衡

燕關幾載苦淹留書劍飄零志未休雲路每忘舒驥足
風塵無奈敝貂裘三千里外征人淚十二樓中少婦愁

續稿李詩繫

卷二十三

三

鴻鴈春來秋又去不知何日唱刀頭

程拱宿

字經野號筠泉桐鄉人貢生官玉環訓導著有
竹香堂集一卷柏悅堂集六卷竹所堂集二卷
松風堂集六卷雪爪軒集十二卷花深樓集二
卷小漫吾亭集一卷

楊文樸曰筠泉少年任俠詩筒酒盞喜與名流
往來家素封屢遭祝融之厄遂中落自榴嶼歸
水村山郭無不游覽石門施少峰贈以詩云解
組歸來興不窮扁舟一葉任西東桃花春水蘆
花月盡在先生醉眼中可以想其風概

草堂讀易圖

茅檐雨初霽濃翠浮梧竹中有忘機人衣裳盡寒綠窮

年手草編惟日知不足何處聞松聲風香茶已熟

玉溪懷古

溪邊吳越壘霸氣沒黃蒿樹密蟬聲急秋空鴈影高陰
霾朝聽鬼風雨夜驚濤歎息平吳後兵回盡錦袍

張槎

字翰舟秀水人著有三影軒集洞庭游草

郊居詩話翰舟敦孝友重氣誼落落不事生產
衣冠言動跌宕自喜迥與俗殊客至則閉門投
轄有孟嘗風

漁父

綠柳鬢鬢一釣查東風吹落樹頭花老翁不問桃源路
卻似桃源隱者家

續橋李詩繫 卷三十三

七

馬咸

字嵩州號澤山平湖人布衣著有怡廬集五嶽

外史集

泊西溪訪友

落日懸遙浦停橈傍淺莎水深楓葉冷雲薄晚山多野
艇將收網寒樵忽下歌欲從林際客高步話巖阿

張思忠

字補之號左山海鹽人歲貢生著有左山詩草

陳半圭曰先生績學砥行日坐一室以著作自
娛不與戶外事博洽好古通經史百家言旁及
天文音律之學靡所不究詩本性靈自得天趣
而不襲古人皮相殆深造有得者歟

學琴行答半圭體親樓聽琴之贈

松風泉流天籟鳴天籟著物皆和平和者不乖物無戾
平者不跛物無爭古聖作琴會元始五音順布非悅耳
變氣化質神明通無鈹之鍼無形砥冕之鐘夔之球血
氣心知必有感金石絲竹何矯揉余生夙抱幽憂疾欲
開沈痼苦無術酒以邀歡娛懶種盈畝枕詩以理性情
不夢生花筆陶家無弦意境超吾以有弦且學調流水
高山不可卽抑鬱癥瘕希磨消隻影清聲吾見吾萬事
一一付胡盧於中寄託各有志此藝難云古爲徒聊以
自怡悅不堪君耳竭深情往還七條絃冶鑄金兮鑪點
雪

吳金蕙

續橋李詩繫

卷三十三

天

字馥清號初莖嘉興人歲貢生著有初莖集步

陶吟稿

楊枝吟

楊枝生楊花墮水爲浮萍葳蕤逐波浪漂泊東南行復
遇風水便因之回故汀岸有枯楊枝相值兩無情嗟爾
乃微物本根固所輕

卽目書感

漂零鴈戶滿郊村就食蒲羸不可論歎息畫圖無好手
西風愁煞鄭監門

程琦

字再韓桐鄉人著有芳巒稿

炮烙怨

炮烙炮烙骨糜血涸時予之辜匪君之虐悠悠蒼天死
又何言臣生也無補臣死也無冤我君悔過兮雖死之
日猶生之年

剖心悲

我心無七竅我命如一絲皇天與后土監我孤臣私臣
本天王族臣食天王祿無術悟天王雖死不足贖願自
今兮孕勿劓脛勿斲但剖臣心臣瞑目

周基

字孚友號霞村又號浣花主人平湖人庠生著
有冬青書屋稿

續橋李詩繫

卷三十三

五

青溪詩存霞村隱游當塗靈壁諸處吟笈往還
綽有聲譽晚年鍵戶課徒屋有隙地徧植卉木
春秋佳日嘗與知己觴詠爲樂

登金柱關塔

金柱關西塔影圓登臨憑眺意茫然迴環沙尾分雙股
突兀天門湧一拳遠寺欲迷三徑雨夕陽收取萬山煙
江風滿袖輕輕拂領略秋光最上巔

蔡永椿

字培初號錦喬海鹽人副貢生官歸安訓導

酬衡齋餉茶

海風觸熱揚塵沙清涼何處浮甘瓜消除煩渴正無術
君家忽送驚雷芽手瀹新泉烹供佛一椀徐啜玉露誇

卻來誦經忽通利舌根似覺生蓮花

沈德鴻

字磐谷號秋渚嘉興人廩生

登江心寺謁文信國祠

閒關闖越走江濱半壁艱危繫萬鈞家國已無乾淨土
陸張同剩未亡身久拚碧血酬先帝肯戴黃冠作放臣
琴硯飄零生氣在海天俎豆肅千春

霽後同登四照樓

招攜又上使星樓海甸晴空蜃氣收日照龍符明巨跡
金鋪鼇背射雙眸全城圍繞旌旗壯兩堦高盤鸛鶴秋
遠岫喬林舊游地追隨風景憶宣州

謂北樓

續構李詩繫卷二十三

三

沈一誠

字步傳平湖人著有香笠散人稿

題暎微曲江觀濤圖

羨爾襟懷曠臨江氣自豪不知天地闊放眼只波濤

題春波小影

小坐山坡埽綠苔黃花閒傍曲欄開箇中別有延齡種

我欲從之采藥來

余向有荷鋤采藥圖

孫國柱

字顏卓號梅隱平湖人國子生著有梅隱詩存

病中喜吳存白書至

風雪殘冬候蕭條臥病餘故人千里道寄我數行書珍

重要良覲殷勤念索居情深言莫罄欲報反躊躇

五人墓

精靈渾不昧白日冷松楸直道猶三代遺骸其一坵姓名里巷識牢醴歲時羞門外山塘水滔滔終古流

韓信

背面何曾信蒯通他年鐘室恨難窮解衣推食牢籠術偏是英雄入彀中

錢炯

字元朗號西齋秀水人貢生著有紅村小草

寄答朱巨川見懷

竹屏蘿屋小橋通幾點花飛水面風恰似藕絲灣下泊

續橋李詩繫卷三十三

綠楊影裏訪吳蒙

吳汝然

字晉卿海鹽人庠生著有笛舟詩稿

馬香泉曰笛舟詩發源於元和而浸淫乎樊川玉溪溪早歲詩以流麗工整為主中年後縱橫變化不主故常而淋漓頓挫善達其胸中所欲言

石瀨山房詩話晉卿自少工詩書畫尤臻妙品性耿介人有乞書畫者非其人雖厚資相許弗顧也晚遭回祿境遇益困處之恬然雖晨炊莫舉而吟詠自若詩有仙心語無俗氣

田居春興

鷓鴣鳴煙林時將入新夏陰雨膏黍苗芄芄青徧野澗澆水縠紋一碧無高下平田赴壑聲琤琮玉花瀉東家祈有年擊鼓吹幽雅花下醉人歸夕陽散春社

放言

有生苟無死大地恐難容有死或無生造化先已窮不
生更不滅乃是佛法空此理殊幽奧不與聖道同寒暑
有迭運舒慘本同功及時不爲樂徒與庶類終

題畫

落日眾山靜微聞遠寺鐘欲尋禪定處滿鴨白雲封

錢志宰

字政和號省庵嘉興人

謁岳忠武王墓

將軍不死兩宮還恢復神京指顧間誰使金牌迴鐵騎
空教毳幕望刀環驚心獄底成三字快意墳前列四姦

續橋李詩繫

卷二十三

三

埋骨湖山畱正氣南枝風急水潺湲

陸德鑑

字睿韜平湖人庠生著有鏡軒詩草

落葉

瘦盡林煙一望中蕭蕭落葉舞晴空撲窗歷亂疑疏雨
卷地猖狂任朔風野寺人稀寒繞砌孤舟夢短夜敲篷
煎茶聊復供清興擁篲還須策小童

汪鏞

字燦如號橘洲桐鄉人貢生官廣東濠裏巡檢

著有餅庵草

舟泊老鸛嘴至印齋庵

小市牽秋纜禪林曲徑通竹圍三面月松引一庭風菊蕊方叢紫蓮房已墜紅登高佳節近延伫意無窮

朱休聞

初名休成字建勳號雪圃秀水人著有桐影軒稿

舟行口號

春風催泛櫂游興肯消停草色碧逾水桃花紅滿汀危橋人跡少孤墻野煙暝好是江村暮鶻鴟到處聽

張玉臨

字亭立號香阜海鹽人庠生

退思軒閒坐

續橋李詩繫

卷二十三

三

梅影橫窗瘦蘭香繞室清閒來無別事時聽讀書聲

褚元勳

字芳型號方瀛嘉興人著有勛青堂詠物詩

春草

極目茸茸徧野村柔香狼藉倩人溫鶯嚙小院畱新影蝶舞長門沒舊痕日映綠苔生碧色月明青塚怨黃昏王孫馬去旗亭暮不唱離歌也斷魂

張鎮

字定夫秀水人

靈宿溪

夾岸垂楊拂淺流白雲院裏出紅樓溪花落盡無人過

清砧一聲起暮鷗

蔣守尊

字鈞煙海鹽人著有鈞煙詩鈔

石瀨山房詩話鈞煙為寅谷考功弟負才早夭考功官京師時鈞煙隨入都一夕張燈課讀至夜分倦而假寢忽聞戶外履跡聲已而見一蒼髯叟排闥入於坐處翻閱簡策繼乃取所作詩文大加批校羅鳴始去質明視之乙剛圖誌俱各精當或曰此鬼魅示形或曰此狐精游戲未幾竟下世

客窗寄蕭湘浦秀才

誠

銀毫水鏡吐光芒華嶽峰尖壓三唐丈夫有志當如此
能不愧者惟蕭郎蕭郎蕭郎八斗才博覽羣書無不該
詩古文詞體別裁倚馬千言如九河之水發源崑崙混

續橋李詩繫 卷三十三

三五

混滾滾排山倒海歸蓬萊筆落千鈞弩險關蠶叢路金
石聲作驚人句寶劍光騰山欲裂雲煙落紙神妙絕不
須索句深閉門落拓襟期憑誰說興到揮毫頻酌酒且
學劉伶傾五斗醉酣拍案唱玲瓏搜盡五車書二酉嗟
予潦倒坐寒窗不脫青袍恨滿腔男子遭逢曷有極一
朝得意決西江君不見班超投筆卽封侯相如四壁尙
風流昔日詩壇李杜筆橫空浩氣冠千秋感君意氣寄
君詩坐我春風酒一卮安得壯士空所思嗚呼安得壯
士空所思

夜泊長安鎮同蕭湘浦作

百里一歸舟長安此夕畱那堪今夜客相對話離愁殘

雪林中寺寒雲樹杪樓半壺清酒在同酌數更籌

陸世模

字範斯號賁園又號陸村嘉興人國子生著有

櫻桃花館吟稿

金勝曰陸村姿性明慧好讀書博綜典籍下筆具有根柢詩宗溫李率多香奩之作

書所見

眉暈青山臉暈春乍畱半面乍全身小鬟何福能消受

長作妝臺料理人

錢懋曾

字稼如號綺塍海鹽人貢生著有采山亭詩草

小集涉園度香池館

續稿李詩繫卷三十三

三五

積霖暗朝昏漠漠雲出岫苔點上侵階石罅凝如繡園

林澹無豫簾垂坐清晝樂此素心人翦燭共攜袖入席

忘主賓舉觴誰先後落紅滿院來閒雜雨絲驟婪尾杯

殘時姚黃花放候擊鉢催詩成羣公競雕鏤酌漫塗

鴉頽然忘鄙陋

汪又辰

原名鏗字希聲號石秀水人拔貢生

鮑深飲曰石好學不倦所與交皆當世名流與兄厚石桐石有汪氏後三子之目

食筍限韻

千畝篔簹竹饒官笑渭南荒畦春社熟薄飯野人堪雨

意初蒸菌年光未浴蠶澹中滋味好參向小茆庵

朱南貽

字肇楠海鹽人布衣

吳耘廬曰處士與余同居澉川家貧廉介自守與諸生王南浦兆鵬楊景瀾之涪日事唱和家石帆三高士詠即其人也王楊二君無後處士惟存一稚子遺稿零落不復覩矣

采菱詞

鯉魚風起打船頭采采南湖愁復愁細雨滿江人不見
青蛾玉臂不勝秋

朱承炳

字伯虎桐鄉人庠生

次石帆丈感懷韻

萬卉凋零景物非草堂寂寂閉雙扉風生虛籟聞林籟

續稿李詩繫卷二十三

吳

月朗寒輝滿石磯且喜傳家存蠹簡不妨蔽體挂鶉衣
數聲長淚天邊落夢遠江湖夜鴈飛

吳山甫

字一峰號退谷海鹽人國子生

李蒿園曰退谷少穎悟讀書之外無他嗜好編袍布履終其身性耿介方正詩亦如其為人

友人約訪梅雨阻不果

舊約踏春行愁聽滴瀝聲籠煙梅自笑夢月雨無情香
散空吟句魂消失解醒此時相訪意只有膽瓶清

戈 璆

字孟黃號蘭圃平湖人庠生著有蘭圃集

石灝山房詩話乾隆甲申春武進錢公歲試予友王君尚質年十三以背誦十三經游鹽庠越

壬辰秋韓城王公歲試戈君鏗年十四亦以默
寫十三經入邑庠詞林推爲二難乃王君落魄
一矜年四十始舉於鄉又十餘年而歿戈君僅
一應鄉試一預歲校未婚早夭較之王君又不
逮焉蓋福慧之難兼擅如此

羣仙高會嵩嶽圖

崧高惟嶽天之中上有少室仙人宮璇題金壁光熊熊
仙人來往常相逢竹花藤花一溪風翩然鶴駕停高松
下拖五雲裙上施九霞幙琥珀薦琉璃鍾風流瀟灑惟
穆公花前一賭羸青龍丹房玉女顏芙蓉貪看投壺聲
丁東曰歸前路方朦朧無聲冷露灑桂叢還教使者幻
碧筒餘杭阿母真珠紅且畱君飲休憇酒香風冷月
漸東扶桑杲日升瞳瞳

曜宇溪莊

續構李詩繫

卷三十三

三七

雲樹總疑畫村莊隱見中儻逢蕭尺木繪影上屏風

王策

字筠谷海鹽人武庠生

丹徒道中

鄉夢斷雞聲征帆兼客程橈篙新事業詩酒舊經營殘
月奔牛鎮殷花呂子城無多京口路一笑大江橫

東平道中

夕陽明曠野秋色滿平沙打棗禿村樹牽蘿動水花飢
嗔紅豆飯捷愛白驃車寂寞梁山路西風咽暮笳

焦山

削成孤嶂插天青，獨抵狂瀾列畫屏。
嗚兩鵝鳩飛石壁，畏人鼯鼠走松町。
海雲日護蟠龍窟，江蘚時侵瘞鶴銘。
三詔洞邊閒佇立，數聲清籟不勝聽。

外蒲山中普陀

買得魚舫渡急湍，振衣拾級上層巒。
寺門日照山雲薄，石徑風迴海氣寒。
千里浪花翻白塔，一聲鐘梵響黃盤。
雄心恨未銷磨盡，莫向閒僧借偈看。

王璞齋琼戶侯偕游北固山

每於勝景結良游，共上名山最上頭。
甘露寺前深樹合，石帆樓外野雲浮。
烽銷漢晉餘芳草，代隱齊梁剩碧流。
長嘯一聲天地闊，不須更泛海門舟。

草鞵

續橋李詩繫卷三十三

三

束芻遙翦水雲寒，不借編成兩兩看。
嬾托豪門陪錦鳥，慣隨野叟狎黃冠。
板橋秋曉霜初滑，泥路春深雨未乾。
卻稱老僧行脚健，一肩行李陟平巒。

姚壽曾

字敏求，號晴帆，嘉興人。乾隆壬子副貢生。

中秋夜游煙雨樓四首

玉鏡奩開碧漢秋，波光倒挾斷雲流。
一年最好團圓夜，載酒聽歌水面樓。

吳回春

字凝仲，號復庵，海鹽人。著有復庵詩鈔。

丁帶泉曰復庵工繪事渲染花卉蟲鳥輒生動
多致

題畫

秋風吹葉落蕭瑟亭邊樹倚杖聽鳴泉徘徊不能去

續橋李詩繫卷三十三

續橋李詩繫卷三十三

三

風工會車直泉

